

Imigassaq pillugu politikki

'Imigassaq nammineq akisussaaffigalugu, inuk mianeralugu'

Kommuneqarfik Sermersooq

2010 – april 2013





Imai

Imai	2
Aallaqqaasiut	3
Innuttaasunut suliniutit	5
Naartusut ilaqutariillu meerartallit	5
Atuarfiit ilinniarfiillu	5
Timersoqatigiiffiit inuusuttullu peqatigiiffii	5
Katsorsaasarneq	6
Tunumi immikkut killilersuineq	6
Kommuneqarfik Sermersooq suliffeqarfittut	7
Akuersissuteqartarnerit	8
Inatsisitigut tunngavigisat	8
Imigassanik aalakoornartortalinnik nioqquteqarsinnaanermut sassaallersinnaanermullu akuersissuteqartarnerit	9
Pisunut aalajangersimasunut imigassallersinnaanermut akuersissuteqartarnerit	10
Akuersissuteqartarnermik nakkutilliineq	10
Naggasiineq	12



Aallaqqaasiut

Kommuneqarfik Sermersuumi kommunimi innuttaasut, suliffiit suliffeqarfiillu akornanni imigassamut tunngatillugu kulturimut sunniiniarneq anguneqarpoq.

Imigassaq ilisimajunnaarnalaarnini pissutigalugu naammaannartumik imernejarnermini unioqqutit-sinerunngitsumik nuannaarniutitut atugaasorujussuuvoq.

Neriniartarfiit, imerniartarfiit sumiiffiillu allat sassaallerfiusut inuinnaallu imigassarsisarnerat amerlasuut inuunerannut ilaaginnarpoq. Inuit imigassamik mamarsaatiginnissinnaasariaqarput ingasaal-luguli imigassartorneq illuatungeqarpoq soorlu nipilortoqarneranik, angallattoqarneranik, ikuallat-toorsinnaanermik kiisalu illoqarfimmi angalanerup toqqissisimanarneranik ajoqusiisinnaasumik, kiisalu peqatigiinnernik ilaqutariinnermillu ajoqusiisinnaasumik pissuseqartoqarneranik ajornartor-siutinik.

Imigassaq aamma inunnik inuunerminni ilungersunartumik atugalinnik tarnimikkulluunniit ajornar-torsiuteqartunik, ass. uippakajaarnermi annilaanganermilu ilisimajunnaarsaatitut imminulluunniit nakorsaatitut atornejarsinnaavoq. Tamanna imigassamik atornerluinertut isigineqarpoq piffissallu ingerlanerani inuttut, ilaqutariinnikkut, suliffeqarnikkut aningaasaqarnikkullu ajalusoornermik nassa-taqarsinnaalluni.

Kommuneqarfik Sermersuumi imigassamik atornerluineq inuttut inuiaqatigiittullu ajornartorsiutitut isigineqarpoq. Tamatumunnga ikiuniarneq pinaveersaartitsinerlu inuiaqatigiinni inuttullu ataqati-giissaakkamik suliniarnertut pissaaq. Taamaattumik kommunimi ingerlatsiviit akornanni imigassa-mik atornerluinermut sianisumik aaqqissugaasumillu suliniarnissaq kommunip siunertaraa, ass. makku aqqutigalugit:

- Imigassap sunniutigisartagai, tassunga ilanngullugu imigassap nuannaarniutitut atuvallaar-nermullu/atornerluinermullu atornejarnerata akornanni assigiinngissutaat, kiisalu inuit namminneq atuinerminnik silatusaartumik aqutsisinnaanerat pillugit paasisstissineq
- kommunimi immikkoortortani tamani kommunimilu sullissiveqarfinni tamani isummiussiner-mik suliarinnineq imigassarlu pillugu politikkilliorneq
- imigassamik atornerluinermut katsorsaaneq pillugu naammattumik arlalinnullu sammititamik neqerooruteqarneq



Taamaattumik Kommuneqarfik Sermersooq matuminnga imigassaq pillugu politikkilliorpoq kommunalbestyrelsimi akuerineqartumik. Imigassaq pillugu politikki kommunip imigassamut isummerneranut pingaarnertut tunngavissiivoq imigassamillu nioqquteqarsinnaanermut akuersissuteqartarnermut najoqqutassiivulluni.

Imigassaq pillugu politikkeqarnikkut imigassamut tunngasut tamaasa pillugit ammasumik oqallisinnaalernissaq, kiisalu akuersissuteqartarnermut tunngasuni malittarisassanik paasinnilernissaq neriuutigaarput.

Atuarluarisi!

Kommunalbestyrelsimi akuerineqarpoq ulloq

Borgmester Asii Chemnitz Narup



Innuttaasunut suliniutit

Naartusut ilaqutariillu meerartallit

Naartusut imigassartunnginnissamut isumassarsiortinneqassapput immannguaannarluunniit imigassartornikkut naartoq ajoquserneqarsinnaammat. Imigassamut atatillugu naartumik ajoqusiinerit inuuneq naallugu innarluuteqalernermik nassataqartarput.

Angajoqqaat imigassamut peqqinnartumik ileqqoqalernissamut isumassarsiortinneqassapput, angajoqqaat isumassuisinnaaginnarniassammata, kiisalu meeqqat inuusuttullu angajoqqaat imigassamik atuinerannit/atornerluinerannit ilungersortinneqaratik.

Sulisut naartusunut ilaqutariinnullu meerartalinnut attaveqartuusut ilaqutariinni atornerluineramik ajornartorsiuteqartoqarsinnaaneramik eqqumaffiginninnissamut immikkut pisussaaffeqarput. Meeqqamik sumiginnaanermut illersuinisaaq suliaqartuusut suliassaasa ilagaat, angajoqqaat arlaata atornerluisuuneramik pasitsaassinermi paasisaqarnermiluunniit isumaginninnikkut oqartussaasunut nalunaaruteqarnikkut.

Sullissiveqarfinni tamani imigassaq pillugu politikkiortoqassaaq sulisunullu ilitsersuusiortoqassaluni, suliaqartuusunut naatsorsuutigisanik taakkartuiffiusumik kiisalu akisussaaneramik, piginnaatinneqarnermik iliuseqarnissamullu malittarisassanik taakkartuiffiusumik.

Atuarfiit ilinniarfiillu

Meeqqat imigassartussanngillat, kiisalu piffissap inuusuttut imigassartortalerfigisaata sapinngisamik kingusissuutinneqarnissaa anguniagaavoq.

Atuarfiit, sunngiffimmi ornittakkat ilinniarfiillu sullissiveqarfittut isummiussinermik suliaqarfiusutut qitiupput taamaattumillu meeqqat inuusuttullu imigassaq pillugu ilisimasaannik isummiussinerannillu sunniiniarnissamut immikkut akisussaaffeqarlutik.

Atuarfiit, sunngiffimmi ornittakkat ilinniarfiillu tamarmik imigassaq pillugu politikkiuissapput. Imigassaq pillugu politikkiimi aalajangersarneqassaaq imigassamut silatusaartumik kultureqarnermik qanoq ataatsimoorluni paasinnittoqarnerisooq kiisalu sulisunut erseqqissumik najoqqutassiortoqassaluni.

Sammisaaq imigassaq, kiisalu imigassaq pillugu politikki oqallittarfinni attuumassuteqartuni tamani eqqartorneqassapput: Atuarfiup siulersuisuini, ilinniartitsisut ataatsimoornerini, klassini angajoqqaanillu ataatsimiititsinerni, taamaalilluni imigassamut isummerneq erseqqissuutinneqarniassammat.

Timersoqatigiiffiit inuusuttullu peqatigiiffii

Imigassaq kiisalu meeqqanut inuusuttunullu peqatigiiffeqarneq ataatsimoortinneqassanngillat.

Timersoqatigiiffiit inuusuttullu peqatigiiffiisa siunertaraat meeqqat inuusuttullu imartuumik inuttullu ineriartorfiusumik sunngiffeqartinneqarnissaat.



Kommunip naatsorsuutigaa peqatigiiffiit meeqqat inuusuttullu peqqinnartumik sunngiffeqartinneqarnissaannik qularnaariffiusumik imigassalerinermilu ileqqorissaarnissamik ilinniartitsiviusumik imigassaq pillugu politikkilliornissamat taassuminngalu malinninnissamat akisussaassuseqassasut.

Katsorsaasarneq

Kommuneqarfik Sermersooq atorneerluinermut katsorsaasarnermut akisussaanerup Namminersorlutik Oqartussanit tuginissaa akuersaarlugu isummiusimavaa.

Kommuneqarfik Sermersuumi suliniarneq qaqugukkulluunnit Paarisami suliaqarnermut ataqa-tigiissaarneqassaaq.

Inunnut imigassamik atorneerluisuusunut arlalinnut sammititamik katsorsaannissamik neqerooruteqalernissaq kommunalbestyrelsi siunertaraa. Atorneerluineq inunnut assigiinngitsunut assigiinngitsumik aallaaveqartarmat, taamatullu inuit katsorsartinnissamat assigiinngitsunik nukissaqarlutillu periarfissaqartarmata katsorsaariaatsit arlaqarnissaannut periarfissaqartariaarpoq.

Inunnik atorneerluinermik ajornartorsiuteqartunik katsorsaannissamat, katsorsaanerup kingorna isumagininnissamat inuiaqatigiinnullu akuliuteqqinnissamat piareersaanissamat pisariaqartit misissoqqissaarneqarnissaat aallartinneqassaaq. Misissueqqissaarnerup inerneru inerni-liussallu imigassamik atorneerluinermut katsorsaasarnermut tunngasuni aalajangersimasumik suliniuteqarnissamat tunuliaqutaassapput.

Najugaqarfii ataavartumik katsorsaaveqanngitsut angalallutik katsorsaajartortartunit piffissani aalajangersimasuni najukkami katsorsaannissamik neqerooruteqartunit sullinneqassapput.

Tunami immikkut killilersuineq

Ammassalik kommuneani imigassamik aalakoornartulinnik nioqquteqartannginnissaq aamma imigassamik 15% sinnerlugu aalakoornartortalinnik sassaallertoqartannginnissaa pillugu Namminersornerullutik Oqartussat nalunaarutaanni nr. 20-mi, 30. juni 2008-imeersumi aamma Illoqqortoormiut Kommunianni imigassamik aalakoornartortalinnik nioqquteqartarnerup sassaallertarnerullu unitsikkallarnerat pillugu Namminersornerullutik Oqartussat nalunaarutaat nr. 10, 23. februar 2001-imeersoq Naalakkersuisut Tunumi imigassamik aalakoornartortalimmik nioqquteqarnermut sassaallertarnermullu immikkut killilersuilerput.

Ineriartorneerup malinnaaffiginissaa najukkamilu innuttaasut oqaloqatigalugit Tunumi immikkut killilersuinerup sunniutaanik naliliisarnissaq Kommuneqarfik Sermersuup kissaatigaa.



Kommuneqarfik Sermersooq suliffeqarfittut

Sulineq suliffimmilu imigassartorneq ataatsimoortinneqassanngillat.

Kommuneqarfik Sermersuup sulisitsisutut kissaatigaa suliffeqarfittut qanoq imigassamut isumaqar-sinnaanermut atornerluinermillu ilungersunartutut isiginnissinnaanermut assersuutissaalluarnissaq.

Suleqatigiinnermut ataatsimiititap suliassaqarfiani Kommuneqarfik Sermersuumi sulisunut tamanut atuuttussamik imigassaq pillugu politikkiortoqassaaq.

Sulisut tamarmik imigassamut (atuinermut, atuivallaarnermut, atornerluinermut) isumassaqaartitsi-nissaat kommunimilu sulisutut inuppassuarnut maligassaanermik ilisimaarinnilernissaat kommuni-mi siunertaavoq.

Imigassaq pillugu politikki imigassamut isummerneq imigassamillu atuinermut tunngatillugu malitta-risassat, kiisalu sulisunut imigassamik ajornartorsiuteqartunut tapersiinissamut katsorsaanissamul-lu periarfissat pillugit allaaserinniffiussaaq.

Sulisut sinniisaat isumannaallisaanermullu sinniisut imigassamik ajornartorsiuteqalernerme sulisup pineqartup aqutsisullu akornanni attaveqaataasutut inuttut pingaaruteqarput. Pingaarutilinnik inut-talersuinerme siunertaavoq sulisut imigassamik ajornartorsiutilli sapinngisamik piaartumik pitsaa-nerpaamik ikiorserneqarnissaasa qularnaarneqarnissaat.



Akuersissuteqartarnerit

§ 2. Imigassanik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit imigassanik aalakoornartortalinnik nioqquteqarsinnaanermut/sas-saallersinnaanermut akuersissummik pigisaqarnissaq piomasagaataavoq. Imigassanik aalakoornartortalinnik nioqquteqarsinnaanermut/sassaallersinnaanermut akuersissummik pissarsisinnaassagaanni niuerneramik, assassornermik suliffissuarmillu ingerlatsineramik imaluunniit sutorniartarfiutilittut akunnittarfiutilittullu inuussutissarsiummik ingerlataqarsinnaanermut allagartamik akuersissummik pigisaqarnissaq piomasagaataavoq, tak. Kalaallit Nunaanni namminersorluni inuutissarsiteqarneq pillugu Inatsisartut inatsisaat imaluunniit Kalaallit Nunaanni neriniartarfinnik akunnittarfinnillu ingerlatsinerit pillugit Inatsisartut inatsisaat, taamaattoq tak. imm. 2.

Imm. 2. § 2 malillugu imigassanik aalakoornartortalinnik nioqquteqarsinnaanermut/sassaallersinnaanermut akuersissummik aamma inuussutissarsiummut allagartamik pigisaqarnissamik piomasagaat atuuppoq pisortat suliffiutaannut niuertarfinnut, akunnittarfinnut, sutorniartarfinnut umiarsuarnullu, inatsisiliat allat naapertorlugit pinngitsortinneqartussaangippata.

Inatsisitigut tunngavigisat

Imigassanik aalakoornartortalinnik nioqquteqarsinnaanermut sassaallersinnaanermullu akuersissuteqartarneq, aqutsineq nakkutilliinerlu *Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq Inatsisartut inatsisaatigut nr. 3-kkut, 31. maj 2001-imeersukkut allanngortinneqartoq* (tulliuttuni imigassanik aalakoornartortalinnik nioqquteqartarneq sassaallertarnerlu pillugit inatsimmik taagorneqartoq) aqutigalugu malittarisassaqartinneqarput.

Imigassanik aalakoornartortalinnik nioqquteqarsinnaanermut sassaallersinnaanermullu akuersissuteqartarnermut piomasagaasiornissamat inatsimmi periarfissat atorneqarnissaat kommunalbestyrelsip siunertaraa. Taamaattorli kommunimi aalajangiinerit tamarmik qaqugukkulluunniit kinaassusersiunngitsumik tunngaveqassapput. Assigiisitsinissamik tunngaveqarnerup nassataraa qinnuteqaatit assigiiaartut assigiinngisinneqannginnissaat, tamanna kinaassusersiorfiunngitsumik tunngavilersuusersorneqarsinnaanngippat.

§ 3. *Imm. 2.* Imigassanik aalakoornartortalinnik nioqquteqarsinnaanermut/sassaallersinnaanermut akuersissummik tunniussinermut atatillugu inuiaqatigiinnut ataqatigiissumik soqutigisat, imernaveersaartitsinerup annertusarneqarnissaanut atorneqarsinnaasut, kommunalbestyrelsip isiginiassavai. Aammattaaq kommunalbestyrelsi immikkut piomasagaatinik aalajangersaasinnaavoq imernaveersaartitsinerup annertusarneqarnissaanut atorneqarsinnaasunik imaluunniit eqqaamiunut inuiaqatigiinnullu akornutaasunut killilersimaarutissanik.

Kommunimi suliffeqarfiit nittarsaannissamat ineriartornissamullu periarfissaannut pitsaanerpaamik tunngavissinissaq Kommuneqarfik Sermersuup kissaatigaa. Kommunimi tamarmiusumi assigiiaartumik akuersissuteqartarnissaq Kommuneqarfik Sermersuup qularnaarniarpaq, kiisalu suliffeqarfiit nioqquteqarfiusut neriniartarfiusullu assigiinngiiaartuunissaannik siarsaaqataalluni. Imigassanik aalakoornartortalinnik nioqquteqarsinnaanermut sassaallersinnaanermullu akuersissutinik qinnuteqartoqartillugu kommunalbestyrelse suliaqarfimmi unammilleqatigiinnermut akornusiinaveersaasaaq, ass. pisunut aalajangersimasunut akuersissutit nakkutilliiviusumik tunniunneqartarnerannik qularnaarinikkut.

Innuttaasut tamarmik isumannaatsumik angalasinnaanissaat pingaartumillu meeqqat inuusuttullu qaqugukkulluunniit imigassamik nioqquteqarnermit sassaallernermissu akornusersorneqarnissamat illersorneqarnissaat piomasagaataavoq. Kommunimi innuttaasut neqeroorutiniq suliffeqarfiit neriniartarfiusut neqeroorutigisaannik iluaquteqarsinnaassapput. Tamatumani imigassap kingunerisinaasaanik ajoqutaasunik killilersimaarinninnissamat piomasagaatit annertupput.



Tamanna pisinnaavoq:

- Imigassanik aalakoornartortalinnik nioqquteqartarneq sassaallertarnerlu pillugit inatsisip malinneqarnissaanik piumasaqaateqarnikkut
- Akuersissutinik nakkutilliinerup sukannerulerersinneratigut
- Nioqquteqarfiusunik sassaallerfiusuynillu nakkutilliinermik sukannerulerersitsinikkut
- Meeqqanut inuusuttunullu illersuiniarnernik siuarsaanikkut
- Akunnittarfeqarnermi, neriniartarfeqarnermi takornariaqarnermilu suliassaqaarfimmi sassaallertarnermut ataatsimut najoqqutassioqqusinikkut
- Sassaallerfiusuni sulisut akisussaassuseqartumik sassaallertarnermik ilinniartinneqarnerinut peqataanikkut
- Inatsisit atuuttut taakkulu naammassineqarnerannik naliliinissaq siunertaralugu Namminersorlutik Oqartussanik anguniagaqartumik oqaloqatiginninnermik aallartitsinikkut
- Najukkami politiitut oqartussaasut qanimut suleqatigilernerisigut suleqatigiinnarnerisigullu

Imigassanik aalakoornartortalinnik nioqquteqarsinnaanermut sassaallersinnaanermullu akuersissuteqartarnerit

Imigassanik aalakoornartortalinnik nioqquteqarsinnaanermut akuersissuteqarnissaq suliffeqarfipassuarnut niuerneramik ingerlatsinissamut pingaarutilimmik tunngaviuvoq. Suliffeqarfik imigassanik aalakoornartortalinnik nioqquteqartarneq sassaallertarnerlu pillugit inatsit naapertorlugu imigassanik aalakoornartortalinnik nioqquteqarsinnaanermut akuerineqarnissamut inatsisitigut piumasaqatinik naammassinnissimappat Kommuneqarfik Sermersooq tamatumunnga akornusiinarsarinianngilaq.

Sumiiffinni najugaqarfiusuni (illoqarfimmi nunaqarfimmiluunniit) imigassanik aalakoornartortalinnik nioqquteqarsinnaanermut sassaallersinnaanermullu akuersissutit kommunalbestyrelsip pingaarnertut sapinngisamik amerlaqatigiisinniarpai. Taamaattorli inuiaqatigiinnut tunngasunik pingaarnersunik naliliinikkut kommunalbestyrelsip tunngavik tamanna sanioqqussinnaavaa, ass.:

- Illoqarfittani *nutaani* sumiiffinnut akuersissutit
- Kommunalbestyrelsip naliliinera naapertorlugu inuiaqatigiit nalinginnaasumik pitsaasumik ineriartornissaannut peqataatitsiviusinnaasumik akuersissuteqarnerit (ass. Kalaallit Nunaanni takornariaqarnermik inerisaanermut atatillugu)

Akuersissuteqarfiusumut nutaamut akuersissuteqarnissamik naliliinermi sumiiffiup imigassamik nioqquteqarnissamut sassaallernissamulluunniit naleqqunera kommunalbestyrelsip pingaartinniarpa. Sumiiffinnut najugaqarfeqarfinniittunut, timersortarfiit haalit, atuartitsiviit eqqaanniittunut sumiiffinnulluunniit inuusuttut najukkajutaannut aallaavittut akuersissuteqartoqartassanngilaq.

Imigassanik aalakoornartortalinnik nioqquteqarsinnaanermut sassaallersinnaanermullu akuersissutinik nutarterinissamik qinnuteqaatinik suliarinninnermi qinnuteqarnissap tungaanut piffissap qanoq ingerlasimanera kommunalbestyrelsip pingaartinniarpa.



Inuiaqatigiit, qaatusimanissaq peqqissaarnissarlu oqimaaqatigiisillugit aalajangersimasumik nalilii-neq tunuliaqutaralugu imigassanik aalakoornartortalinnik nioqquteqarsinnaanermut sassaallersinnaanermullu akuersissutinik qinnuteqaatinik tamanik kommunalbestyrelse aalajangiisassaaq.

Pisunut aalajangersimasunut imigassallersinnaanermut akuersissuteqartarnerit

Imigassanik aalakoornartortalinnik nioqquteqarsinnaanermut sassaallersinnaanermullu aalajangersimasunik akuersissuteqartarnerit saniatigut kommunalbestyrelse pisunut ataasiakkaanut imigassamik sassaallerfiusunut akuersissuteqartassaaq.

§ 8. Ataasiaannartuni peqatigiiffinni katerisimaarnerni katersortarfinni, filmertarfinni ininiluunniit allani kikkunnilluunniit atorqarsinnaasuni ingerlanneqartuni imigassanik kimittuunik kimikitsunilluunniit akiluteqartitsilluni sassaallerneq sassaallernermulluunniit assingusumik imigassallerneq aatsaat pisinnaavoq pisut ataasiakkaat tamat sioqqullugit ataasiaannartumik akuersissummik kommunalbestyrelsimit pissarseqqaarluni.

Imm. 2. Peqatigiiffiit, klubbit il.il. pisumi ataasiinnarmi akiluteqartitsillutik imigassanik kimittuunik kimikitsunilluunniit sassaallertut ataasiaannartumik akuersissummik kommunalbestyrelsimit sioqqutsisumik pissarsiniareersimassapput. Tamanna atuuppoq sassaalliineq peqatigiiffiup klubbilluunniit ilaasortaannaanut pigaluarpaluarpalluunniit.

Pisunut aalajangersimasunut akuersissutinik qinnuteqartoqartillugu pisunut aalajangersimasunut akuersissuteqarnissamut inatsisitigut pisussaaffigalugu naammassineqarsimanissaat kommunalbestyrelsip qularnaarniarppaa. Kommunalbestyrelsip akuersissuteqarfigineqartumut erseqqissaatigissavaa tulliuuttuni imigassanik aalakoornartortalinnik nioqquteqartarneq sassaallertarnerlu pillugit inatsimmi § 18-imi malittarisassat malinneqassasut, pingaartumik *imigassamik* nioqquteqarnerup sassaallernerullu inunnut aalakoortunut imaluunniit meeqqanut inuusuttunullu 18-it inorlugit ukiulinnut *inerteqqutaanera* eqqumaffigalugu, inummik oqartussaassuseqartumit ingiaqateqarnerat akisussaaffigineqarnerallu *eqqaassanngikkaanni*. Pisumut aalajangersimasumut akuersissuteqarfigineqartoq (inuinnaq, peqatigiiffik, klubbi assigisaaluunniit) tamatuma malinneqarnissaanut akisussaatinneqassaaq.

Aaqqissuussinerit pisunut aalajangersimasunut akuersissuteqarfiusut tassani ingerlatat ammasarfiillu aalajangersimasumik akuersissuteqarfiusunut sapinngisamik naleqqussarneqarnissaat kommunalbestyrelsip ilungersuutiginiarpaa, pisumut aalajangersimasumut akuersissuteqarneq pissutigalugu eqqissiviillortoqalinnginniassammat unammilleqatigiinnermulluunniit akornusiisoqannginniassammat. Tamatumani unnukkut eqqissisimanartumik toqqissisimanartumillu inuusinnaanermut pitsaanerpaamik atugassiiniarneq kissaatigineqarpoq.

Pisumut aalajangersimasumut akuersissuteqarfigineqartoq (inuinnaq, peqatigiiffik, klubbi assigisaaluunniit) akuersinermi piumasaqaatinik, taakkununga ilanngullugu imigassanik aalakoornartortalinnik nioqquteqartarneq sassaallertarnerlu pillugit inatsimmik malinninngikkuni pineqartoq kingusinnerusukkut pisumut aalajangersimasumut akuersissuteqarfigineqarsinnaassanngilaq.

Akuersissuteqartarnermik nakkutilliineq

Akuersissuteqarfigineqartup akuersinermut atatillugu pisussaaffinnik aqutsinera kommunalbestyrelsip politiit suleqatigalugit nakkutiginiarpaa. Tamatumani imigassanik aalakoornartortalinnik nioqquteqarsinnaanermut sassaallersinnaanermullu aalajangersimasumik akuersissutit pisunullu aalajangersimasunut akuersissutit pineqarput. Borgmesterip pisortaanerullu politiit oqartussaasunik ataatsimeeqateqartarnissaa Nuummi isumaqatigiissutaavoq. Isumaqatigiissut taanna aalajangi-



simaneqassaaq, taamatullu aamma illoqarfinni allani tamatumunnga assingusumik aaqiisoqassaluni, ingerlatsivimmeersut najukkami politiitut oqartussaasunik ataatsimeeqateqartassallutik.

Imigassanik aalakoornartortalinnik nioqquteqartarneq sassaallertarnerlu pillugit inatsit naapertorlugu imigassanik aalakoornartortalinnik nioqquteqarsinnaanermut sassaallersinnaanermullu aalajangersimasumik akuersissuteqarnerit pisunullu aalajangersimasunut akuersissuteqarnerit, kiisalu akuersissutit atorunnaarneri akuersissutinillu arsaarinninnerit pillugit kommunalbestyrelse najukkami politiinut ilisimatitsisassaaq.



Naggasiineq

Aallaqqaasiummi eqqaaneqartutut imigassaq inerteqqutaanngitsumik mamarsaatitut ilisimajunnaarsaatitullu atorneqarsinnaavoq. Illoqarfimmiumnermi inooqataanermi neriniararfinni imerniartarfinnilu nakkutigisaasumik imigassartortoqarsinnaavoq, aammali imigassartorpallaanerup kingunerisaanik naalliutsitsisoqarsinnaalluni, sioorasaarisoqarsinnaalluni, kinguaassiuutitigut innarliisoqarsinnaaluni ikiaroomartumillu atonerluisoqarsinnaalluni. Imigassaq ilaqutariinnik aseruisinnaavoq kiisalu unnuakkut inooqataanermi illoqarfimmilu angalaarnermi toqqissisimannngissutaasinnaalluni – pingaartumik inuusuttunut tunngatillugu. Malittarisassaqaarnikkut pisortaniillu oqartussaasunit nakkutiginnittuarnikkut naapertuutinngitsumik pissusilersortoqarsinnaanera sakkukillisarneqarsinnaavoq. Tamanna iluatsissappat susassaqaartut tamarmik – neriniartarfiutillit, kommunimi oqartussasut, politiit, inuusuttut taakkulu angajoqqaavisa, ilinniarfiit, Paarisap, piumassutsiminnik suliniartut allallu peqataaffigisaannik pinaveersaartitsinissaq pisariaqarpoq. Kommunimi pingaarutilimmik suliniartoqareerpoq, taamaattorli unnukkut inuuneqarnermi ingerlatallit pisortatigoortumik pisussaaffeqarfiusumillu suleqatigiinnermut katersorneqarnissaat attanneqarnissaallu siunertaralugu anguniagaqasutsip qaffassartuarnissaa pingaaruteqarpoq.

Imigassaq pillugu matuminnga politikkeqarnikkut kommunip imigassamut isummiussineranut pingaarnertut tunngavissinissaq taamaalillunilu innuttaasunut tamanut kommunimik toqqissisimanartuutitsiniarluni suliniarnermut taakkartuisuunissaq Kommuneqarfik Sermersuup kissaatigaa. Kommunimiittut, sulisuusut innuttaasullu tamarmik imigassap ajortortaanut paasinninnissamut ataatsimut akisussaassuseqassapput.

Imigassaq nammineq akisussaaffigalugu, inuk mianeralugu!